

Oqaluuserisassanut nassuiaat

(Inatsisartut Siulittaasuat)

Siulittaasoqarfiup aalajangerpaa oqaluuserisassani immikkoortut kinguartitat katersorniarlugit oktobarip ulluisa 17-iat immikkut ataatsimiiffiussasoq nal. 10.00 aallartilluta.

Immikkoortut 91, 145 aamma 147 oktobarip ulluisa qulingiluaannit kinguartinneqarput oktobarillu ulluisa 17-ianni immikkut ataatsimiiffiussami oqaluuserisassanut ilanngunneqarlutik.

Immikkoortut pineqartut qulequtaraat:

Immikkoortoq 91: Inatsisissatut siunnersuutiniq suliaqartarneq pillugu malitassiat atuuttut allanngortinneqarnissaat pillugu Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaalilluni inatsisissatut siunnersuutip nassuiaataani, nunat tamat akornanni pisussaaffinnut, nunat tamat akornanni Kalaallit Nunaanni Namminersorlutik Oqartussat malitassaanni pisussaaffinnut tunngatillugu inatsisissatut siunnersuummi inuit pisinanatitaaffiitut aamma nunap inoqqaavisa pisinnaatitaaffiitut tunngasunik nassuiaasiortoqartassalluni. Naalakkersuisut suleriaasiat nutaaq ulloq 1. januar 2026 atuutilissaaq. Inatsisartunut ilaasortaq Mariane Paviassen Jensen, Inuit Ataqtigiit

Immikkoortoq 145: Pisortat suliffeqarfiutaanni tamani inuttassarsiuussinerit suliamut tunngasumik piginnaasaqarnissaat piumasaqaataassaaq, kalaallit oqaasinik piginnaasaqarneq ilanngullugu kiisalu kalaallit kulturiannut kalaallillu inuiaqatigiivnut ilisimasaqarnissaat pillugit Naalakkersuisut Inatsisartunut inatsisissamik suliaqaqqullugit peqquneqarnissaannik Inatsisartut aalajangiiffigisassaattut siunnersuut. Inatsimmut siunnersuut UKA2026-mi kingusinnerpaamik saqqummiunneqassaaq.

Inatsisartuni Naleqqap Gruppia, Naleraq

Immikkoortoq 147: Pisortat ingerlatsiviini kalaallit oqaasiisa pisortatigoortumik atuutsinneqalernissaasa saniatigut oqaatsit nutserneqartarnissaannut piumasaqaatip peersinneqarnissaa pillugu Naalakkersuisut allannguutissamik siunnersuummik suliaqaqqullugit Inatsisartut aalajangiiffigisassaattut siunnersuut.

Inatsisartunut ilaasortaq Pele Broberg, Naleraq)

Immikkoortut sapaatip akunnerani matumani ullut ataatsimiiffiusut ingerlanerini naammassillugit suliarineqanngitsut taamatuttaaq ulluni ataatsimiiffiussani tulluuttuni oqaluuserisassatut ingerlaqqittassapput oktobarillu ulluisa 17-ianni oqaluuserisassatut ingerlaqqissinnaallutik. Tamanna pisariaqartinneqassappat ulloq taanna ataatsimiinneq kingusinnerpaamik nal. 19.00 naammassereersimassaaq.

Siulittaasoqarfiup taamatuttaaq apeqquteqaat aallaavigalugu oqallinnissamik siunnersuutit immikkoortut 59 aamma 60, ulloq 6. november ataatsimut oqaluuserisassanngortinneqarsimasut nuunneqarnissaat akuerisimavaa. Taakku 2026-imi februaarip ulluisa aqqarnganni nutaamik oqaluuserisassanngortinneqarput. Siunnersuuteqartup Naalagaaffiit Peqatigiit ataatsimeersuarnerannut peqataanissaa kinguartitsinermut pissutaavoq.

Immikkoortut pineqartut qulequtaraat:

Immikkoortoq 59: Ulluunerani paaqqinnittarfinni atorfeqartut suliffigisaanni pissutsit suliffimmilu atugassarititaasut siunnersorneqarneq assigisaalluunniit aqqutigalugit qanoq ilillugit pitsanngortinneqarsinnaanersut, apeqquteqaat aallaavigalugu oqallinnissamik siunnersuut. Inatsisartunut ilaasortaq Pipaluk Olsen, Demokraatit

Immikkoortoq 60: Qanoq ililluta ulluunerani paaqqinnittarfinni utaqquisut ikilisissinnaanerigut pillugu apeqquteqaat aallaavigalugu oqallinnissamik siunnersuut. Inatsisartunut ilaasortaq Pipaluk Olsen, Demokraatit

Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq immikkoortut 23-p 24-illu siullermeerneqarnissaasa oktobarip ulluisa 15-iannit nuunneqarnissaannik qinnuteqarpoq. Siulittaasoqarfiuo tamanna akuerisimavaa immikkoortut 23-p 24-illu siullermeerneqarnissaat oktobarip ulluisa 23-anni pisussanngorlugu.

Immikkoortut pineqartut qulequtaraat:

Immikkoortoq 23: Uunga siunnersuut: Aatsitassat pillugit ingerlatallu tamatumunnga pingaarutillit pillugit inatsisartut inatsisaata (aatsitassanut ikummatissanullu inatsit) allanngortinneqarnera pillugu Inatsisartut inatsisaat (Aatsitassanut Ikummatissanullu Aqutsisoqarfik aamma Aatsitassanik Suliassaqarfinnut Avatangiisinut Aqutsisoqarfik pillugit aalajangersakkat atorunnaarsinneqarnerat) Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq

Immikkoortoq 24: Uunga siunnersuut: Aatsitassanut tunngasunik suliaqarneq pillugu Inatsisartut inatsisaata allanngortinneqarnera pillugu Inatsisartut inatsisaat (Aatsitassanut Ikummatissanullu Aqutsisoqarfik aamma Aatsitassanik Suliassaqarfinnut Avatangiisinut Aqutsisoqarfik pillugit aalajangersakkat atorunnaarsinneqarnerat, kiisalu kukkusumik innersuussinerup naqqinneqarnera) Inuutissarsiornermut, Aatsitassanut, Nukissiutinut, Inatsisit Atuutsinneqarnerannut Naligiissitaanermullu Naalakkersuisoq

Siulittaasoqarfiup taamatuttaaq aalajangerpaa immikkoortoq 4 Inatsisartuni ataatsimiititalianut ilaasortassanik sinniisussanillu qinersineq oktobarip ulluisa 14-ianni oqaluuserisassanut ilannguteqqinneqassasoq ataatsimiinnertut matoqqasutut.

Allannguutit tamarmik Inatsisartut nittartagaanni malinnaavigineqarsinnaassapput

nutarterneqartassallutillu.

Uku akornanni taasisarnerit pillugit isumaqatigiissuteqartoqarpoq: